

- 1' Wer yedem narren glauben will
- 2' So man doch hört der schrift so vil
- 3' Der schickt sich wol jns narren spil



verachtung der gschrift

- 1 Der ist eyn narr der nit der gschrift
- 2 Will glauben die das heyl antrifft
- 3 Vnd meynet das er leben soll
- 4 Als ob keyn gott wer / noch keyn hell

2' schrift GW5046 GW5047] gfschrift GW5041 2 antrifft GW5046 GW5047] antriffr GW5041

5 Verachtend all predig vnd ler
6 Als ob er nit sãh noch hõr
7 Kem eyner von den dotten har
8 So lieffman hundert mylen dar
9 Das man von jm hort nuwe mer
10 Was wesens jn der hellen wer
11 Vnd ob vil lüt fürend dar jn
12 Ob man ouch schanckt do nuwen wyn
13 Vnd des glich ander affen spyl
14 Nûn hat man doch der gschriff so vil
15 Von alter vnd von nuwer ee
16 Man darff keyn zügniß furter me
17 Noch sũchen die kappel vnd klusen
18 Des sackpiffers von Nickelshusen
19 Gott redt das vß der worheyt syn
20 Wer hie sünd dût / der lidt dort pyn
21 Wer hie syn tag zũ wisheyt kert
22 Der wirt jn ewikeyt geert
23 Gott hat geschaffen das ist wor
24 Das sãh das oug / vnd hõrr das or
25 Dar vmb ist der blindt vnd ertoubt
26 Der nit hõrt wißheyt vnd jr gloubt
27 Oder hõrt gern nuw mår vnd sag
28 Jch võrcht / es kumen bald die tag
29 Das man me nuwer mõr werd jnn
30 Dann vnß gefall vnd syg zũ synn
31 Jheremias der schrey vnd lert
32 Vnd wart von nyeman doch gehõrt
33 Des glichen ander wisen me
34 Des ging har noch vil plag vnd we